



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Parlament Federacije Bosne i Hercegovine

Predstavnički/Zastupnički dom

Hamdije Kreševljakovića 3

71000 Sarajevo

n/r gosp. Dragan Mioković, Predsjedavajući

Vlada Federacije Bosne i Hercegovine

Hamdije Čemerlića 2

71000 Sarajevo

n/r dr. sci. Edita Kalajdžić, Sekretar Vlade

Bosne i Hercegovine
Federacija Bosne i Hercegovine
PARLAMENT FEDERACIJE
SARAJEVO 01-02-36518-1/2025

Primljeno: 15-10-2025			
Org. jed.	Broj	Priloga	Vrijednost
05/1	-02-	505	/25

Predmet: Odgovor na zastupničko pitanje zastupnika Almedina Aliefendića

Poštovani,

JP Elektroprivreda BiH d.d. – Sarajevo (u nastavku JP EP BiH) je dana 03.10.2025. godine zaprimila akt Predsjedavajućeg Predstavničkog doma Parlamenta Federacije Bosne i Hercegovine broj: 05/1-02-505/25 od 29.09.2025. godine i dana 06.10.2025. godine akt Sekretara Vlade Federacije Bosne i Hercegovine broj: 03-04-1646-23/2025 od 02.10.2025. godine, kojima se zahtijeva dostava odgovora na zastupničko pitanje zastupnika Almedina Aliefendića postavljeno na 24. redovnoj sjednici Predstavničkog doma Parlamenta Federacije BiH, održanoj 25.09.2025. godine. S tim u vezi, u nastavku su dati odgovori na zastupničko pitanje koje se odnosi na JP EP BiH iz kojih je vidljivo da je JP EP BiH društveno odgovorna kompanije sa izraženim senzibilitetom za kvalitet života lokalnog stanovništva, a koje se ogleda u kontinuiranim ulaganjima u generacijske projekte koji se odnose na smanjenje štetnog uticaja dimnim prilinova iz termoelektrana na okoliš.

Naime, Federalno ministarstvo okoliša i turizma izdaje Rješenje za izdavanje okolinske dozvole za potrebe rada termoelektrana u kojoj su definisani uslovi i mjere za sprječavanje negativnih uticaja na okoliš. U skladu sa navedenom dozvolom, Podružnica Termoelektrana „Kakanj“, Kakanj (u nastavku TE Kakanj) se pridržava definisanih uslova i općih mjera koje se odnose na čist zrak, vodu, prašinu, buku itd., a Inspekcija za okoliš po osnovu akata koji se odnose na predmetnu oblast je dužna da vrši redovne i vanredne nadzore, pri čemu su nalazi inspeksijskog nadzora javni i transparentni.

Opredjeljenje JP EP BiH i Vlade F BiH je da kontinuirano provodi mjere i aktivnosti u cilju zaštite zdravlja i poboljšanja uslova života stanovništva, te realizuje projekte koji za rezultat imaju ispunjavanje preuzetih obaveza iz međunarodnih sporazuma i protokola. Potvrda navedenom je u TE Kakanj realizacija projekata izgradnje postrojenja za odsumporavanje dimnih plinova za blokove 6 i 7 čija je vrijednost 126 miliona KM i izradnja postrojenja za denitrifikaciju dimnih plinova za blokove 6 i 7 čija je vrijednost 55 miliona KM. Do kraja 2027. godine je planirana realizacija ugovora koji je krajem 2024. godine potpisan za potrebe izgradnje i puštanja u rad zajedničkog postrojenja za odsumporavanje dimnih plinova blokova 6 i 7 u TE Kakanj, dok je projekat denitrifikacije dimnih plinova na ova dva bloka trenutno u fazi kompletiranja tenderske dokumentacije za potrebe pokretanja postupka nabavke za isti sa planiranim rokom puštanja u rad do kraja 2027. godine, a što je sve u skladu sa Nacionalnim planom smanjenja emisija za BiH i preuzetim obavezama. Realizacijom navedenih projekata emisija SO₂ i NO_x iz TE



44 100 22430072
44 764 22430072
44 126 22430072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo

Porezni broj: 4200225150005, PDV broj: 200225150005

1549212003366506 - Intesa Sanpaolo Banka d.d. BiH

1410010009748956 - Bosnia Bank International d.d. Sarajevo

1020500000090111 - Union Banka d.d. Sarajevo

1346101000178654 - ASA Banka d.d. Sarajevo

1990490176075902 - Sparkasse Bank d.d. BiH

www.epbih.ba

Podružnice Društva:

Hidroelektrane na Neretvi, Jablanica, J. Čemija 1

Termoelektrana „Kakanj“, Kakanj, Termoelektrana broj 1

Termoelektrana „Tuzla“, Tuzla, 21. aprila 4

„Elektro distribucija“, Bihać, Bosanska 25

„Elektro distribucija“, Mostar, Adema Buća 34

„Elektro distribucija“, Sarajevo, Zmaja od Bosne 49

„Elektro distribucija“, Tuzla, Rudarska 38

„Elektro distribucija“, Travnik, Šumeće 182a

„Elektro distribucija“, Zenica, Salfet bega Bašagića 6

Kakanj će biti dovedena na nivo graničnih vrijednosti emisija definisanih regulativama, a uticaj istih na okoliš sveden na minimum.

Takođe, u prethodnom periodu (prije više od 10 godina) u TE Kakanj je kroz značajna investiciona ulaganja realizovan projekat smanjenja prašine ugradnjom vrećastih filera, na kojima se čvrste čestice sa termoblokova nakon statičkog elektrofiltera izdvajaju iz dimnih plinova. Vrećasti filteri su ugrađeni na postojeće statičke elektrofiltere i odlikuju se visokim stepenom efikasnosti izdvajanje čvrstih čestica, posebno čestica PM_{2.5}. Garantovana vrijednost koncentracije čvrstih čestica na izlazu iz hibridnog filtera (vrećasti sa statičkim elektrofilterom) je 20 mg/m³_n, a stvarna izmjerena vrijednost je niža od 10 mg/m³_n (sadržaj prašine u suhom gasu sa 6% O₂), pri čemu je zakonska obaveza <50 mg/m³_n.

Napominjemo da TE Kakanj koristi sistem za kontinuirano automatsko mjerenje emisije zagađujućih materija u zrak i isti se verifikuje (umjerava) ispitivanjima koje provodi ovlaštena institucija. Rezultati mjerenja se redovno dostavljaju nadležnim institucijama i po potrebi drugim zainteresovanim stranama, što je potvrda transparentnosti cjelokupnog procesa.

Rad TE Kakanj u najvećoj mjeri zavisi od potreba za električnom energijom u elektroenergetskom sistemu, potrebom za toplotnom energijom za grijanje grada Kaknja, stanja zaliha uglja na depozima termoelektrane i kvaliteta istog, raspoloživosti i pouzdanosti samih termoblokova. Naime, obustavom rada TE Kakanj obustavila bi se isporuke toplotne energije gradu Kaknju, što bi onda zbog aktiviranja većeg broja kućnih ložišta izazvalo daleko veće zagađenje zraka nego što je to slučaj sada. Takođe, postrojenja TE Kakanj bi pretrpjela značajna oštećenja usljed dužeg zastoja u radu, a elektroenergetski sistem bi usljed povećane potrošnje zbog grijanja na električnu energiju i manjka u proizvodnji iste, doživio kolaps. Osim toga ova mjera bi imala nesagledive posljedice i na rad RMU Kakanj i ostalih privrednih subjekata širom BiH, čije poslovanje je vezano za rad TE Kakanj. Brojni radnici bi vjerovatno ostali privremeno bez posla i bila bi ugrožena egzistencija velikog broja porodica.

U cilju smanjenja emisija u zrak za vrijeme trajanja radova na tristometarskom dimnjaku u TE Kakanj, značajno je reducirana proizvodnja električne energije na blokovima 5 i 6 u skladu sa zahtjevima elektroenergetskog sistema i potreba grijanja grada Kaknja, dok je Blok 7 van pogona u periodu Avgust 2025. godina-Maj 2026. godine u kojem se planiraju značajna investiciona ulaganja u cilju revitalizacije ključnih proizvodnih postrojenja na ovom bloku. Ovaj režim rada će se primjenjivati sve do okončanja radova na tristometarskom dimnjaku, odnosno najkasnije do kraja 2025. godine.

Menadžment JP EP BiH, uz saglasnost Vlade FBiH, će nastaviti ulagati u postojeću infrastrukturu i primjenu savremenih tehnoloških rješenja u energetici kako bi se poboljšao kvalitet života stanovništva i unaprijedili tehnički parametri rada postrojenja koji će doprinijeti stabilnijem snabdijevanju krajnjih kupaca električnom i toplotnom energijom.

S poštovanjem,

Co:

- Federalno ministarstvo energije, rudarstva i industrije
- Federalno ministarstvo okoliša i turizma
- 01, 02, 02-1, 02-4, a/a

2. Generalni direktor
dr. sci. Šanel Buljubašić



Wilsonovo šetalište 15, 71000 Sarajevo, BiH

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektro distribucija», Bihać, Bosanska 25
«Elektro distribucija», Mostar, Adema Buća 34
«Elektro distribucija», Sarajevo, Zmaja od Bosne 49
«Elektro distribucija», Tuzla, Rudarska 38
«Elektro distribucija», Travnik, Šumeće 182a
«Elektro distribucija», Zenica, Safet bega Bašagića 6